

Hom Faea Sefti

BLOKEM FAEA
HEM I WANEM MI
WANTEM MEKEM



Sam wei blong blokem faea insaed long hom



**FIRE
RESCUE**
VICTORIA



Faea Sefti i stat long hom


Wan faea long hom blong yu i save spolem yu, save kilim ded yu tu. Taem wan faea i stat, i save spred kwiktaem mo putum yu mo ol famle blong yu long denja. Ol denja blong faea oli tru, be i gat plante samting yu save mekem blong protektem yu wan, famle mo hom blong yu.

Faea mo reskiu sevis blong Viktoria oli komit blong kipim komuniti i sef tru long sam hom sefti strateji mo infomesen wetem olgeta we i stap long Viktoria.

Ol smol pikinini, ol olfala, ol disebol pipol mo olgeta we i stap smok, oli stap long bigfala denja blong kasem kil o oli save ded long wan faea insaed long hom.

Advaes insaed long smol buk ia bae i helpem yu blong lanem olsem wanem yu save blokem faea long hom mo kipim yu mo ol famle blong yu i sef. Sapos hom blong yu i sef long ol faea mo yu save wanem blong mekem long taem blong faea, bae i save sevem yu from ded.

Luk from symbol ia ! we hem i haelaetem wan impoten sefti mesej o toksave.



**HALO, MI MI FRANKIE
HEMIA SAMFALA TOP
TOKSAVE BLONG FAEA SEFTI:**

- 🔥 Mas gat wan smok alam we i wok mo mas testem oltaem.
- 🔥 Faenem olting we i save statem faea long hom.
- 🔥 Gat wan faea eskep plan blong hom mo pratisim oltaem.
- 🔥 Sapos wan faea i tekem ples long hom blong yu, muvaot, stap aotsaed mo ringim Tri Siro (000).

Ol Faea oli bon kwik!



30
seken

Taem olsem, ol smok alam oli sud ditektem faea finis mo i krae blong letem famle blong yu i save.



60
seken

I nogat woning, faea i laet i go. Bae i laet kwik, givimaot posen smok



3
minit

Faea i hot moa long 800 digri Selsies. Evri samting insaed long rum bae i bon nao mo bae i spred i go long ol nara rum blong haos.

Smok alam



! Ol smok alam we oli wok nomo oli save sevem laef.

I gat janis yu save ded long wan haos faea sapos yu nogat wan smok alam we i wok.

Wan smok alam we i wok i givim yu plante woning se i gat faea mo yu gat taem blo eskep long wan sef wei. Yu mas gat wan o moa smok alam long evri level blong hom blong yu.


Blong moa infomesen long smok alam visitim frv.vic.gov.au mo cfa.vic.gov.au

I gat ol spesel smok alam blong ol pipol we oli def o sorae i fas, mo ol kaen alam ia i save link o joen wetem ol pesonal alam blong ol olfala pipol o olgeta we i gat disabiliti. Blong moa infomesen visitim expression.com.au

**NO MAS SEKSEK,
FOLEM OL TOKSAVE
BLONG MI:**

- 🔥 Sapos yu gat wan smok alam we hem i yusum 9-volt batri, jenisim batri evri yia.
- 🔥 Dastem raon long aotsaed kava blong smok alam wan taem long wan yia o moa.
- 🔥 Sapos smok alam i mekem wan krae wanwan taem, yu mas jensim batri o sapos no smok alam i gat problem mo yu mas jenisim.





! Ostrelia faea sevis hem i advaesem blong instolem smok alam long evri ples we man i stap spendem taem long hem, ol korido mo bedrum.

Instolem ol smok alam we batri i laef blong 10 yia.

Viktorija faea mo reskiu sevis i advaesem se ol smok alam oli mas intakonek o joen olsem taem wan alam i krae, bae evri nara smok alam tu bae oli krae.

Taem yu silip, yu no save smelem samting gud. Wan alam we i wok i save signalem yu se i gat smok blong faea.



Blong testem, presem test baten long smok alam evri manis mo wet blong harem 'bip, bip, bip'. Sapos i bip, i minim se smok alam i stil wok.



Ripilesem evri smok alam evri 10 yia wetem wan we i yusum 'lithium' batri.



Long evri level blong haos Instolem long siling long 30 sentimia longwe long wol.

Faea eskep plan blong hom

No mata wanem kaen hom yu stap long hem, hem i impoten yu save wanem blong mekem long taem blong faea.



**TAEM YU LUK WAN FAEA, GO
AOTSAED MO STAP AOTSAED**

- 🔥 Kipim ol eksit doa i klia.
- 🔥 Taem yu stap insaed, leko ki i hang long ol lok doa mo sekiuriti skrin olsem yu save eskep sapos faea i brekaot.



! Hem i impoten blong gat wan hom faea eskep plan long taem blong imejensi.

- Go daon klosap long floa, mo no stap long smok.
- Singaotem ol man taem yu go aot.
- Sapos i sef, sarem ol doa taem yu aot.
- Go aotsaed mo stap aotsaed.
- Mit long wan sef ples aotsaed long haos, Olsem, letaboks o futpat.
- Ringim Tri Siro (000) mo askem FAEA.



Sapos yu planem mo praktisim wan hom faea eskep plan bae i save sevem laef blong yu, luk pej 19.




Mekem sua se haos namba i klia yu save luk gud long strit.



Sapos yu stap long wan stori bilding, yu mas save wea ples ol faea eksit, mo yu mas yusum ol step o stea oltaem.

SAPOS YU NO SAVE ESKEP...

- 🔥 Sapos i sef, klosem doa blong rum we i gat faea.
- 🔥 Muv go farawe long smok mo faea sapos i posibol.
- 🔥 Ringim Tri Siro (000), askem FAEA mo talem se yu nidim help blong kamaot – no sarem fon.



Lektrikal


Ol letrikal faea oli kaen faea we i kamaot plante long wan hom.

Blong moa infomesen long letrikal sefti, visitim Eneji Sef Viktoria websaet esv.vic.gov.au

SAPOS HEM I LETRIK, YU MAS SEF MO JEKEM

- 🔥 Evri letrikal ikwipmen i mas gat wan Standed blong Ostrelia o wan Regulatori Kompluens Mak (RCM).
- 🔥 Mekem sua ol pawa bod oli gat ovalod proteksen mo i nogat eniting i kavremap, olsem pilo o blanket.






! Ol letrik aetem long hom hem i pawa saplae, ol fiks aplaens, ol potabol aplaens, ol pawa bod mo ekstensen kod.

Hem i impoten blong gat gud aeaflo raon long ol letrik aetem mo aplaens mo tekemaot eni samting we i stap raon o antap long olgeta.


Yusum nomo ol letrikal tredspipol we oli setifae blong riperem ol damej o problem letrik aplaens, waering o ikwipmen.




**KIPIM GUD MO BAE
I NO SAVE HOT NOGUD**




Plagem nomo wan letrik divaes long wan aotlet. No mas ovalodem ol pawa bod. No mas putum wan plag antap long narawan long wan soket o yusum dabol adapta.



Mekem sua se ol lektri aplaens olsem hea draea, hea aean mo laptop kompiuta oli no lego long ol sefes we i save bon.




Yusum nomo ol divaes blong jaj we i apruv. Jajem ol aetem long ol sefes we i no save bon mo tekemaot long plag taem oli jaj gud.



Yu mas lego klos draea komplitim kolkol saekel oltaem bifo i stop. Klinimaot filta blong ol smolsmol koten bifo yu yusum.

Kitjin mo kuking

Kitjen hem i rum we plante faea i
kamaot long hem long hom.

 Kakae we i kuk we man i no watjem nao i
nambawan kos blong faea long kitjin, so
mekem sua se yu lukluk taem yu kuk





YU MAS LUKLUK TAEM YU KUK

- 🔥 Jekem se stov, ples blong kuk, aven mo ol nara ples blong kuk i of bifo yu livim hom o yu go silip.
- 🔥 Neva yusum wota blong putumaot faea blong oel o gris.
- 🔥 Yu mas supavaesem ol pikinini long kitjen oltaem



Kipim ol aetem we i save bon 1 mita o moa from ol ples blong kuk o faea.



Wan faea ekstinguisa mo faea blanket i mas stap long evri kitjin. Yusum nomo sapos yu ting se i sef.




Kipim stov, grila, aven, jimni blong stov mo eria blong kuk i klin blong no leterm gris mo oel i stap long hem.

Hiting

Ol hita oli stamba kos blong faea, espeseli long taem blong kolkol o winta.

Blong kasem moa infomesen visitim Eneji Sef Viktoria websaet long esv.vic.gov.au



**TANEM OF HIT BIFO YU GO
SILIP**

- 🔥 Mekem sua se hiting long hom wetem ol paep blong smok mo jimni, oli klin oltaem mo wan setifae teknisen i sevisem.
- 🔥 Tanem of hiting mo kilim ded open faea bifo yu lego hom o go silip.





! Yusum wan faea skrin long foret blong open faea oltaem.

1 Mita
0 moa

1 mita

Kipim ol aetem we oli save bon long 1 mita o moa long ol samting we i save laetem.



Jekem se ol sakol oli kolkol bifo yu sakem.




Supavaesem ol pikinini klosap long ol hita mo open faea.

Sigaret mo open flem

Sigaret, kandel, insens mo oel bena oli save kosem faea. Kilim ded ol open flem mo sigaret bifo yu lego haos o yu go silip.

! Yusum ol kandel, insens mo oel bena long ol stebol sefes we i no save bon





STIKIM, NO FLIKIM

- 🔥 No smok long bed. Smok long bed hem i wan nambawan kos blong ded long saed blong faea.
- 🔥 Supavaesem oltaem ol open flem.
- 🔥 Kipim laeta, masis, kandel, insens mo oel bena long ples we pikinini i no save kasem.
- 🔥 Blong no yusum open flem kandel, yusum wan nara samting olsem batri kandel.



Putumaot faea blong sigaret insaed long ol heavy, hae saed astrei mo mekem sua se faea i ded gud.



Kipim ol kaliko blong windo mo ol nara aetem we oli save kasem faea long 1 mita o moa longwe long ol open flem.



Ol sigaret we oli sakem krangge olbaot oli kosem sam BIGFALA FAEA long ol bigfala stori bilding.

Stikim, no flikim; hemia i impoten taem yu stap long wan stori bilding.

Aotsaed long hom

Hom blong yu i maet i gat smol franda, yad, sed, garaj o dek. Faea i save kam bigwan taem i gat ol aetem olsem botel gas, tin bensin mo nara kemikel.





No babol, no traboll!

Mekem sua se kaoju blong gas we i go long BBQ i no brokbok o slak, mo ol koneksen i taet. Jekem ol lik wetem sop wota



Klinimaot gris mo toti long BBQ mo trei



Yusum ol BBQ aotsaed nomo mo putum 50 sentimita o moa longwe long ol wol mo fanis. Neva leko kakae i tan hem wan.

STOREM OL KEMIKEL LONG SEF FASIN

- 🔥 Insaed long sed o garaj, storem ol kemikel prodak olsem bensin long sef ples farawe long samting we i save mekem i laet mo tu lo ples pikinini i no save kasem.
- 🔥 Sapos yu nomo nidim, sakemaot ol kemikel folem stret mo sef fasin. Blong moa infomesen visitim sustainability.vic.gov.au/detoxyourhome

Faea sefti jeklist



- Gat smok alam we i wok mo testem oltaem.
- Gat wan hom faea eskep plan we yu planem gud mo praktisim.
- Watjem gud wanem yu kukum.
- Plagem nomo wan letrik divaes long wan pawa aotlet (no yusum dabol adapta).
- Kipim ol eksit i klia.
- Kipim ol aetem we oli save bon long 1 mita o moa longwe long ol samting we i givim hit.
- Putum ol laeta, masis, kandel, insens, oel bena mo sigaret long ples we pikinini i no save kasem.
- Storem ol kemikel long wan sef ples we i farawe long ol samting we i save laetem mo long ples pikinini i no save kasem.
- Taem yu stap insaed, leko ki i hang long ol lok doa mo sekiuriti skrin olsem yu save eskep sapos faea i brekaot.



Moa infomesen

Blong kasem moa infomesen, visitim ol websaet ia:

Faea sevis

Faea Reskiu Viktoria (FRV)
frv.vic.gov.au

Kaontri Faea Otoriti(CFA)
cfa.vic.gov.au

Nara websaet

Eneji Sef Viktoria (ESV)
esv.vic.gov.au

Translet mo Intepret Sevis (TIS)
tisnational.gov.au

Viklmejensi
emergency.vic.gov.au

Ekspresen Ostrelia
expression.com.au

Dipatmen blong ol Famle, Feanes
mo Haosing
vic.gov.au/department-families-fairness-and-housing

Kidsef Viktoria
kidsafevic.com.au

Imejensi Manejmen Viktoria (EMV)
emv.vic.gov.au

Sastenabiliti Viktoria
sustainability.vic.gov.au

Viktorian Biding Otoriti
vba.vic.gov.au

